

RI JO'ÖB' TZÜ

Ejemplar de archivo

bonifacio suy tum/
désirée iturbide

universidad rafael landívar
instituto de lingüística



RI JO'ÖB' TZÜ

texto: bonifacio suy tum

ilustraciones: désirée iturbide



universidad rafael landívar
instituto de lingüística
guatemala, 1990

JUB'EQ' UTZIBALIL WE WUJ

Le je'likataq ch'ob'oj xuq le je'likataq chol tz'ib', ri kitiköm, kawexäm käm ri eqawi', eqajolom chkech ri ekikotz'i'jal ekixuma'lil; are jün sipanik nīm ub'antajik pa wä' we qa'amaq' Guatemala. Jün jastäq ri nīm ub'antajik, cher tajin kaq'awachix kumäl ri a'jsaqa taq k'oxomanelab xuq a'jjuch' a'jxaq are chi kakib'an salowël taq chak.

Chema pa taq k'u wä' we q'ij kamik ri', ri solowël chak b'anöm chrīj taq le ojër taq ch'ob'oj xuq le ojër taq chol tz'ib', sib'aläj nīm tob'anäq wī. Ma xkwinik xujäq jün b'ë, are chi wä' we nimaläj eta'mab'al ri', utz käya chi chkech ri emi'al, k'ajol pa taq ri tijob'äl ib'.

Are chi xa jewä, käb'an kowinem cher le ak'al, mi'al k'ajol; ma kutäs ta rib' chrīj ri qas uwokaj xuq chrīj taq le jastäq le nima'q taq ub'antaji pa le ramaq'. Are chi kaya'b'ex uchoq'äb' ri chak, ri majim chrīj le tjonik pa ke'ëb' ch'ab'äl; chkech ri ak'alab' mayab' pa wä' we amaq' Guatemala. Xjaqatäj chi k'u utz'ib'axik jalajuj taq xuj chik ri xkib'ina'aj: "Ojër taq ch'ob'oj, Ojër taq tzijob'enik rech amaq' Guatemala". Wä' we jalajuj täq wuj ri', k'o ch'ob'oj, k'o tzijob'enik xuq k'o b'ix chpam, ri kichi'm k'an taq ri eqatat qanan pa wä' we amaq' Guatemala. Kariqatäq k'üt pa ke'ëb' ch'ab'äl, pa kich'ab'al winäq mayab' xuq pa kaxlän tzij. Ri chomanik apamoq chrīj utz'ib'axik taq wä, we wuj ri'm are käban uk'utik xuq uchokonsab'exik pa taq ri ja rech tijobäl kük ak'alab'. Ma xuq xa k'u ne rumäl wä', we wuj ri' xmuch utza'm pa kajib' tanaj, ma are nu k'u tzij ri ujunab'il ri reta'mab'al xuq uch'ab'äl ri ak'al.

We unuk'umaxik we wuj ri' xtzirik, xa malyox chech ri utob'anik ri Agencia para el Desarrollo Internacional de los Estados Unidos, cher sib'aläj nīm ri utob'anik xuya'ö. Rumäl wä' sib'aläj kojmaltyoxin chkech ri a're'.

Colección "Lirica y narrativa tradicional de Guatemala", 29

Serie K'iche', 2. Primer nivel

Directora de la colección: *Guillermína Herrera Peña*

Directora de recopilación: *Julia Becker Richards*

Editor: *Moris Polanco Barrera*

Recopilación y transcripción: *Bonifacio Suy Tum*

Ilustración y diagramación: *Margarita Ramírez*

Levantado de texto: *Carlos Rodríguez*

© 1990 Universidad Rafael Landívar, Guatemala

Pa ri ojer täq q'ij kanöq k'o jün alä ri
ameq'ël k'ate qas karäj b'inem chech are taq
karilö kok ri sutz'. Pa jün q'ij k'u rī', ri alä
xrilö chi xqaj ri jab' xuqe' xök ri sutz' xupatzala
k'u rib' te k'u ri'xb'enlob' pa b'inem pa täq ri
k'ache'laj, b'inem qas kub'anö are taq k'ate karil
stäq läj ch'in taq juyüb' e k'o pa ri nimaläj
k'ache'laj, xub'ananěj k'u uka'yik xuq karilö
teq'etöj uchi' ri staq läj juyüb'.



Ri alä xrilö chi jewä' ub'anöm ri stäq läj juyüb', xub'än jun kowilalj animä xök b'i chpam, k'ate k'u keril e job' alab'om e k'o chpam, xu'ch'ab'ëj k'üt jewä' xub'ij chkech:

--Ab'omab', jas tajin kib'anö? xuq jawijë' kixb'e wī? --xchä'. Ri alab'om xkitzalij uwäch utzij ri alä xkib'ij:

--Ri öj xa kojb'e na pa jün qab'ë pa näj chi juyüb' --xechä'.

--We ta kiwäj lä' kinteri' te ne b'i in chiwij --xchä' ri alä.

--Ale, toq'öb' awäch rī' alä: öj näj kojb'e wī we b'a katb'ek xäq si akamik rī' kariqä' --xechä' ri alab'om.

Xe'l b'i chwäch ri alä xo'k pa ri juyüb'.

Ri alä karilö chi jeri' xb'an chech, xukoch'ochëj uwäch xteri' b'i chkij, xopän kük' xuta toq'ob' chkech are chi kakiya ta b'a b'ë

chech kak'oji' kük'. Ri alab'om jek'uwä' xkib'ij
chech:

--Alä, ütз lä' katk'oji' quk', chema xa aj'ik
katök wi --xechä' chech.

--Utz lä' --xchä' ri alä xkanäj kän kük'.
Xuchaple'j ka'yob'em karilö chi ri upa ko'ch
nojnäq chech säq q'än, käq, räx, q'eq'a taq
atz'yaq xuqe choma'qa taq tzü tz'apitäl uwī' rük'
pi'q.

Xya k'u jün nimaläj kaswe'l chech ri alä
xb'ix chech chi chpam kutzäk wi ri kinäq' xüq
xya ju sin läj ch'in k'o'x chech are chi kupajb'ēj
rech ri kinäq ri kuya pa ri kaswe'l; chema
rajawaxik k'üt xäq jujün k'o'x k'uk'äq chpäm ri
nima b'o'j. Ri alä xa xutze'ej ma xa jun ch'in
k'o'x pa jün nimaläj b'o'j.

Pa ri jün q'ij ri' ri alab'om are kikojöm ri
raxa taq atz'yaq xuq are e kitoröm kiwi' ri
eraxa taq tzü, rumäl ri' ri sutz' sib'aläj muqulik
xuq sib'aläj jäb' upam.

Are taq xök ri aq'äb', ri alab'om are xekik'ama chla ri kaqa tzü loq te k'u ri' xkitör ri uwi'. Are taq xtör uwi' ri tzü kajusüs k'u jün nimaläj q'aq' xël b'i chpam xopän k'a chwäch ri kaj, xäq k'u si are chi' xuchaple'j wululem nimalaj kaqül ja xuq utz'ajlinëm nima'qa taq xkoyopa' chwäch ri nimaläj kaj, k'a pa ri usaqirib'al k'u ri' xkik'äm chi ri kaqa tzü te k'u ri' xkib'ij:

--Je b'a wä' kape awanimä, tzaliya b'a loq, chab'ana b'a awulik loq'oläj wululem, tz'äjlinem --xechä'. Xäq k'u si are chi' kajusus ri q'aq' xël b'i chwäch ri kaj xopän pa ri tzü, te k'u ri' xuxlän ri kaqül ja xuqe ri xkoyopa'.

Are taq xsaqirik xkikoläj ri raxa taq atz'yäq, te k'u ri' xkik'äm chi ri raxa tzü xkitor ri uwi' xkib'ij:

--Je b'a wä' kape awanimä, tzaliya b'a loq, b'ana b'a awulik loq'oläj tew sutz', jäb', xaq k'u si are chi' katewtot ju sin läj kaqeq' utelem

A black and white line drawing of three men in a desert-like setting. The man on the right is lighting a cigarette for the man in the middle. The man on the left is watching. In the background, there is a large, stylized cloud with lightning bolts and several small stars. The foreground has some low-lying plants and a small number '7' on the ground.




Are k'u xekiköj chī rī q'ana taq atz'yaq te
k'u rī' xekik'ama chi ri q'ana tzü löq, xkib'ij k'u
chech rī alä chi kub'anala apan ri rikil mi ri
are keb'e na pa b'inem.

Xkitör k'u uwi' ri q'ana tzü xäq k'u si are
chī' kajumüm nimaläj kaqiq' xël la chpam
xu'xekēj b'i ri alab'om chkaj xu'käm b'ik. Xäq
k'u si jün q'ij rī' xub'än ri nimaläj kaqeq' puwi'
ri uwachulew. Ri alä sib'aläj kumayijaj jasa jē'
ri tajin karilö.

Are k'u ri alä are xoklöb' chub'anik ri rikil,
xuk'äq ri nimaläj b'o'j chwi' ri q'aq' xuk'äq ri
uwa'al, te k'u rī' xuk'ama ri kinäq loq rachi'l ri
k'ox, are taq xuk'äq ri jusin läj ko'x kinäq
chpam ri b'o'j xäq k'u jün b'elejēb' lajüj kinäq'
k'o chpam, rumäl lä' xub'ij chī la si ta k'ulo
k'o kub'anö kuk'äq chi jün chi k'o'x ma le jun
ma q'aläj ta xqaj wi chpäm ri b'o'j chech ri
kinäq k'a jampa' xpulīn löq.

Ri alab'om are taq xkil ri xub'än ri alä,
xkiyajö ma jasche ma kunimäj ta ri utaqkil ri
kakiya'o.

Ri alä are taq tajin kub'an ri rikil, kutö chi k'o tajin kake'nik jub'eqa' k'u ri' xuchaple'j utz'arik ri wä, ri alä si ta karaj rilöm uwäch jachinäq, chema man kakowin taj ma tz'apital ri uchï ja kumäl ri alab'om.




--We chinya'a kirikil ri alab'om kinwıl na rı' jachin ri keyo'wa kan ri kiwa --xchä' ri alä.

Are taq xo'k pa waım ma q'aläj taj jachın ri keyo'wa kan ri wä xäq k'ate' tunül chi pa ri kiweb'al. Are taq xkelej ri alab'om xekikoläj ri q'ana taq atz'yäq te k'u ri' xkik'am chi ri q'ana tzü xkısik'ij ri nimaläj kaqiq' chpam, xaq k'u si are chı' kajumüm ri nimaläj kaqiq' xoponik xök chpäm ri tzü.

Che ri ukab' q'ij aq'anoq ri alab'om are xekik'ama chi ri saqa taq atz'yäq loq xekikojö, te k'u ri' xekik'ama chi ri saqa tzü loq xkitör ri uwi', xäq k'u si are chı' xël b'i jün utün q'aq' chpäm xopan k'a chwach ri kaj xuq xkowın k'üt xu'xekēj b'i ri alab'om chkaj xu'k'am b'i pa ri kiwa'katem. Jub'eq'a k'u rı' sib'aläj xsaqir uwäch le kaj, ma wi jub'eq' sutz', ma wi jub'eq' jäb' xuq ma wi jub'eq' kaqiq' k'olık xane xäq xew ri q'ij xka'y rük' ronojël uchoq'ab' pa rı' ri q'ij rı'. Are k'u ri alä kı' karilö e mäj ri alab'om, rük' ronojël uchoq'ab' xutör ri uchi' ja jawijë' ri xuta wı chi k'o tajın kake'n chwa ka'

chema are taq xutorö k'ate karilö xa jun nimalaj
xpëq rok'ön la pa rï' ri ja ri', sib'aläj xuxi'j rib'
xutz'apila kanöq.

B'enäq chi k'u ri q'ij ri' xo'pän ri alab'om
chwäch ri ko'ch xekikolala ri saqa taq atz'yäq
te k'u ri' xkik'amala chi ri saqa tzü xkisik'ij chi
ri nimaläj saqil chpam, xäq k'u si are chi' xqaj
b'i ri q'ij xök ri aq'äb'.



Xkib'ij k'u chech ri alä chi kuyala ri kirikil ma sib'aläj kenun chik, ri alä xuk'amala k'u b'i ri rikil xuya'a chkech ri alab'om, chema are k'u ri wä maj, maj xaq are kiye'em, xeb'enlöp' k'u chrilik k'ate kakilö mäj chi b'anäl wä, xäq k'u si are xkichaple'j uyajik ri alä ma xäq si are wi ajchak chech chi xutör ri uchi' ja --xechä'. Ri alab'om sib'aläj xeb'isonik ma mäj chi kiwa, are k'u ri alä rük' oq'ej xub'ij chi ma kub'än ta chi jutij.

Che ri jün q'ij aq'anoq, ri alab'om mojo'qa saqiröq xewa'lijik xkisik'ij ri alä te k'u ri' jewä' xkib'ij chech:

--Alä öj kojb'e na pa jün qab'e chech wuqüb' q'ij, mojawiyey' k'u chwe'q kab'ij ma si k'a b'enaq q'ij wuqub'ix wi kojulik --xechä'.

Xekik'ama taq ri atz'yäq loq k'o xuköj q'än, k'o xuköj räx xuq k'o xuköj kaq, te k'u ri' xkitör uwī' ri q'ana tzü, xäq k'u si are chi' xuchaple'j chi jumumēm ri kaqiq' puwi' ri uwachulew, jub'eq'a k'u ri xkitör chi ri raxa tzü


xäq k'u si are chī' xök ri sutz' xuq xpe ri
nimaläj jäb' puwi' ri uwachulew, k'isb'äl rech
xkitör uwi' ri kaqa tzü', xäq k'u si are chī'
xuchaple'j wululem kaqül ja xuqe reperob'em ri
xkoyopä' xuq xäq k'u si are chī' xexekëx b'i ri
alab'om rumäl ri kaqiq' xeb'ek.





**Ri alä karilö jasa jë' ri kakib'än ri alab'om
chwäch, xub'lj:**

**--La si ta k'ulo k'o kinriqö we ta kinköj jün
wech in le atz'yäq xchä' xb'enlobik are xuk'ama
la ri q'ëq atz'yäq loq xukojö, te k'u rī' xuk'äm
chi ri q'eqa tzü xutör ri uwī', xäq k'u si are
chī' kab'irir nimaläj ke'ëb' raqän xpe puwī' ri
uwachulew are k'u ri jäb' xuqe ri kaqlq' ri tajin
xpe puwī' ri uwachulew xa sib'aläj xpe uchoq'ab'
xuqe ri sutz' xa sib'aläj xch'it chi na ri
uq'equ'mal puwl' ri uwachulew, jub'eq'a k'u rī' ri**




alä xekëx b'i rumäl jün nimaläj kaqiq' xb'ek.

Wuqüb' q'ij k'u rī' sib'aläj xib'ib'äl xub'an ri
jäb' kaqiq' puwī' ri uwachulew, xuq sib'aläj e k'i
chi winäq xek'amik. Chuwüq q'ij k'u rī' xo'pön
ri alab'om chwäch ri ko'ch sib'aläj sachnäq
kik'u'x ma xkīl ri k'äx ri tajīn kakirīq ri winäq
pa ri uwachulew, xkikolala taq ri atz'yäq ri
kikojom, te k'u ri' xekik'amala' apan ri q'ana
tzü, ri raxa tzü xuqe ri kaqa tzü xekisik'ila ri
loq'oläj sutz', loq'oläj jäb', kaqiq', ri kaqul xuqe
ri xkoyopa'; chema ma k'u ketzalij tach loq,

kakiraqaqëj kchi' chech kisik'ixik; chema man ku'l täj. Xsach kik'u'x xkichaple'j ka'ylob'em k'ate kakilö mäj chi ri q'ëq atz'yäq, xuqe ri q'eqa tzü toröm kan ri uwï'. Rï' are jün alä rï' xkojöw b'ik xkitzukuj xkilö mäj chi ri alä.

Aninäq k'üt xeb'e ri alab'om chech utzukixik ri alä xekiriqa' puwï' le nimaläj polö tajin katzeyo'p wï kamnäq chik, xäq xew ri q'ëq atz'yäq xkelesäj la chech xepetik. Xu'l cho ja xkisik'ij ri nimaläj b'irirem chpäm ri tzü xopän k'üt chema rük' ke'ëb' raqän chik, te k'u ri' xkäj tzalijem ri sutz', ri jäb', ri kaqiq', ri kaqül ja xuqe ri xkoyopa' xuq te k'u ri' xja'mar ri k'äx puwi' ri uwachulew, rumäl k'u xuq utoq'ob'axik kiwäch ri winaq pa ri uwachulew, che ukab' q'ij aq'anoq are xkitör uwï' ri saqa tzü are chi kajeqi' rï q'ij pa kiwï'.





El financiamiento para la impresión masiva de este Documento Didáctico, proviene del Convenio de Préstamo No. 520-V-038, suscrito el 27 de Diciembre de 1984, entre el Gobierno de la República de Guatemala y el de los Estados Unidos de Norteamérica, representado por la Agencia para el Desarrollo Internacional —AID—.



IMPRESO POR

Editora Educativa

21 AV. "A" 13-05, ZONA 7 TICAL, 11
TEL. 819190 GUATEMALA, C. A.

Pa wä' we wuj rī' kariqitāj jün keli'kalaj ch'ob'oj, kech kän ri eqati't qamam, cher sib'alaj utz kaketa'maj ri ak'alab' ri kakichaple'j utijoxik kib' chech ri qas kich'ab'al, cher are le ch'ab'äl K'iche'.

Ub'ina'am chi jutaq lë' chi ch'ob'oj chik:

Ri chaqab'alä utiw

(nivel 1)

Ri ukochi ri aläj atol

(nivel 2)

Ri u'q'ojom ri juyüb'

(nivel 2)

Kich'ob'oj kän eqati't qamam

(nivel 3)

